



序

光緒壬辰春從于淮濱星岑自黔中守入

觀者予蜀門出所梓汪兄韻泉先生詩一

馬問序於予予讀之泣於曰此先生心血之所積

精神先氣之所僅存豈可泯滅也予烏可

以量詞先生詩曰芳字韻泉性穎敏外和內介

好學工制執詞尤性嗜也道光乙未受命於學

使吳文正公補博士弟子員逾歲在序餽雲

應經臣試凡適弓淑憲僅作表派八律以出學使

湯文愷公淑慶之拔冠共贊一冊倚筇佳話己亥秋

聞存西渡黜兄與南莊姓姓詩述懷弓尚云桂乞

來歲聞危乎終重高攀第一枝次年發解



遂成佳識是科康子主試蒲城王文恪公閣中
得見亮擊而不置楊茂傳編者下偏在元馬
廩設試禮部屢荐不佳癸丑以大挑得校友權
沙河新河最設詮武臣訓導同治戊辰檢匪北
犯以守城功晉武和旋回鹽山失守乞假歸休先
暮邑宰江尹毓秀約以練勇賊素絕之河

二

盲憶郵兄之故事如末蓋如生憶自成豐丁巳戊
午間伯先黃辛令四川納谿以訪極予叙服友之
况旌鄉士國之盛予和之凡迺邀予泉南江檢
註戴汪亟孝虛作雲山社星岑從步遊亦預秀雲
山書雲谿藍山納谿亦名雲谿和也郵蒲注述
極侶和之樂曾幾何村忽之已數十年兄之歿亦

且星再週矣可勝歎哉抑予聞之熱苦之語易好
歎愉之詞難工或又云非所能窮人乃以窮而治工
任乎在耶先好讀書意論天下可使希遭逢際
會而成就當未少量乃止工書友不第久之而如河除
一束條又久之而卒冒鋒鏑以死而語詩能窮人不
至任哉雖然世之據顯要竊體任其席豐履厚

三

煊赫一州不轉瞬如飄風螢火漸漸滅至鄉里
不能舉姓名而其人詞苑長留天地治世讀之其益
嗟愛惜注之以不獲註世多恨然則天之所以窮亦
人乃所以昌也人歎星峯豈有詩存凡為獨以而與
抄其丑至其亥十年詞者為一編以聚珍版存
之予既悲死之遲又豈星峯能鑿輯而永其傳

也故不辭而繼而書之序

省

先緒十有八年歲在壬午默執徐余月中浣
從弟慶集序於蘭州學署之巽軒



篋山詩草卷上

勃海劉曰萼韻泉著

二月十五望月癸丑

暖涼相似可憐宵春半秋中月共饒常把風光相比較
一年好景在花朝

聞賊陷武昌復擾淞江醉後題蔡村店壁

野店張燈酒獨傾摩娑寶劍氣難平早嗟毛穎成何事
不道荒雞是惡聲氛祲遙連江漢地春風空憶武昌城
男兒馬革心期在搔首西南欲請纓

篋山詩草

卷上

闡中口占

九日場期一瞬過矮簷低首悵如何問科漸覺同年少
話舊方驚下第多風鶴有聲紛議戰文章新樣癩重摩
名心已似餐雞肋判白批紅且任他

詠落花留別

一年春事又成空香氣全銷夜雨中無數落花相倚恨
一齊含淚避東風

出都口占

回首都門意愴然歸途無事策先鞭勞勞官道塵雙鬢

忽忽春風夢十年疲馬難爭騏驥步低枝敢怨太陽偏
腐儒博得頭銜在或是三生苜蓿緣

過野寺

下馬歇庭陰怖鴿驚先去清磬寂無人時共風鈴語

新秋小園卽事六首抄四

圍牆近接衛河隄楊柳陰中豎短梯最是乘垣相望處
風帆無數夕陽西

槐黃垂穗雨新晴浮李沈瓜各有情消受涼風無箇事
安排小几對棋枰

篋山詩草

卷上

一

鐵硯難穿田亦荒河干三復伐檀章從今須也學爲圃
新乞園丁種韭方

南望妖氛河曲間壯懷何暇數荆關小園賦就情何限
惆悵江南庾子山

喜周魯齋見訪

霜葉墜庭枝秋風雁過時乍增羈客感忽與故人期歧
路心猶壯深談醉不辭河干易沽酒重約菊花籬
送周以莊同年分發河南縣令

出山猶是讀書身墨綬銅章事業新潘令定栽花滿縣

萊蕪豈厭飢生塵持廉有法惟崇儉經世無奇只便民
海畔故人傾耳聽南風吹送頌聲頻

說法何妨見宰官得民容易治民難獄期無枉休遲結
莠果當除莫任寬喚鶴有聲連楚澤驚鴻早定起鄉團
材非百里設何易珍重琴堂心力殫

莫羨蓬壺籍上名文章報國總虛聲事經盤錯才方見
邑有絃歌吏亦清愧我散材甘屈蘄聆君課最賦遷鶯
他年棠舍成陰後來看兒童竹馬迎

贈言情重感臨歧十載春風對酒卮涼夜連牀分聽雨

篋山詩草

卷上

三

客窗剪燭共敲詩看花舊夢空陳迹折柳長橋戀故枝
君到河陽見歸雁平安早寄慰相思

由津旋里泛舟卽事

歸艇蒼黃問去津戍旗獵獵滿河濱來時孤棹泛烟水
猶是昇平畫裏人

靜海遇警改轍東行口占

鶴唳風聲日幾傳忽看烽火起新煙捨舟更覺車徒累
陷淖憑將行李捐豺虎縱橫當路過萑苻嘯聚小村連
驚心何處爲安土翹首鄉關倍黯然

微服輕裝去敢遲驚魂未定且追隨倉皇東竄天無色
躑躅南旋路又歧攘奪深虞民氣擾掃除唯盼捷書馳
艱難何暇傷行役劫外餘生夢尙疑

枌榆豈料耀兵災豕突鴟張逼竄來治亂難推歸劫運
守攻無備讓庸才妖氛驚避民爭路野廟同焚佛亦灰
自嘆杜陵爲客累窮途落寘賊中回

哭周魯齋

別離纔幾日頓有死生分聞訊驚何病窮交忽失君衛
河餘落月津樹冷春雲杯酒空懷奠干戈路尙紛

篋山詩草

卷上

四

書嘆

無端遘世亂聒耳厭談兵劍戟皆農器風沙促戰聲煩
寃新鬼大烽火滿城驚亦欲移家去桃源何處行

虛報軍書捷因循釀禍胎孛星侵曉沒妖氣入關來督

先由懷慶報捷未幾賊入臨洛關矣寇過無完堵兵驕轉括財驚沙殘燼

裏野哭幾家哀

孤軍敢深入猖獗逼天都莫恃重河險賊至先一月

嶺捍衛全憑眾志孚賊犯天津謝大裏尸終已矣謝大

設於撫髀一長吁日報擒生數渠魁殲得無

虺豕紛馳突干戈歷歲時養癰誰致患延蔓日潛滋墟
里榛荆在春風鼓角悲頻聞寬大詔蠲賜念瘡痍

經州縣村莊
免租賦并加賑

飛檄嚴防寇掘壕密築圍火攻誠下策株守豈兵機糧

盡仍齎盜營開枉設旂梅田即退賊勞勞諸將帥何以

奏丹墀

又報單于遁追隨幾里休不聞探虎穴空自擁貔貅楚

豫烟氛接江淮餉道憂肅清根本地無暇問南州

國家全盛日餘烈震西陲豈料潢池盜重煩兵力疲將

篋山詩草

卷上

五

材原不易民力苦難支莫唱從軍樂封侯未有期

擾擾黃巾起鄉團半廢耕何時收殺運重得覩昇平失

學虛投筆沈憂願洗兵憑高西北望愁絕戰雲生

初赴新河作

甲寅

捧檄辭寒硯登堂赴別鞍本期供薄祿敢說恥微官細

雨衝漳路秋風苜蓿盤君恩霑斗米休作折腰看

夜行失途

月暗古漳濱村遙孰問津荒年疑暴客老樹恐行人野

闊看星大途歧駐馬頻篝燈茅店入煖酒話勞薪

題畫

霜重落丹楓秋江空暮靄時見一帆行更入斜陽外
感興雜詩

青青園中葵託根依蓬華雨露乏奇姿生性向陽日灼
灼金盤擎垂垂花房密色輸桃李饒心比松筠實常恐
秋風來搖落自茲疾願回羲和車一照幽寒質

井梧聳孤幹清響振林木雍門辨琴材彈作水靈曲不
恨和者稀誰知彈者苦撫視七條絃冷冷吹海雨

竹生抱多節玉立含秀特風束青琅玕滿坐生涼色聲

篋山詩草

卷上

六

應鳳凰鳴實待鵝雛食俊雲志何成一生負孤直

西園桃樹乙卯

西園滿樹桃花發今日重來賸一枝也似人間年少客
春風管領不多時

幾株穠豔最當時狼藉東風一夜吹說與啼鶯莫惆悵
早衰原是早開枝

清明日攜子燕友爲前室張孺人掃墓

那能營奠與營齋廿載孤魂溼草埋今日携兒爲掃墓
可知親送紙錢來

赴沙河署任途中口占

一念圖官計太差，精明纔過便辭家。
倦游久似拖腸鼠，此去眞爲畫足蛇。
客路幾程迎社燕，旅愁萬點落楊花。
寒氊那若寒窗味，好盼歸期早及瓜。

太行山歌

西山峻嶒勢莫當，橫吞九縣壓清漳。
南連嵩少北漁陽，曉雲不動松蒼蒼。
俯臨大隘通帝鄉，行人冠蓋日相望。
誰能策馬登高岡，刮磨長劍如秋霜。
岡頭峻立排天閘，聞道前年粵寇猖。
驅逐官軍等驅羊，胡爲山靈視茫茫。

篋山詩草

卷上

七

丸泥不封委豺狼，烟氛陡起入朔方。
山容掩抑羞無光，居民逃遁巖谷藏。
石縱無言色悽愴，今年妖氛掃畿疆。
天兵直下清江湘，此山公然頭復昂。
煙消雨過立池隍，縱有移文不記將。
澗水終日鳴笙簧，艾老遺恨誓不忘。
南指烟巒說戰場，安得今有愚公狂。
爲我終朝移太行，與孫東樵龍祖廣文游柏林寺。
散吏無拘束，言尋野寺春幽花。
如靜女古柏見高人，客到收棋局。
僧閒理釣緡，夕陽送山色。
歸路滿城闔，登順德郡城懷古。

孤城三面接煙巒百道泉流湧怒湍
顛嶮壁上看兵思鉅鹿女兒沽酒入邯鄲
夕陽自照盤臺古杯水難澆趙土乾
往日季龍憑據地翻翻石邢襄指點暮雲寒
聞黃河隄決

苦望江雲早罷戈黃流驟報洪波天心未厭重開劫
兵禍難消又治河中澤秋風泣鴻雁平原落日走鼉鼉
瘡痕滿目憂非細誰贊宸謨畫策多

兵過沙邑作

東南戎事近如何又見銜枚境上過
殺運已開知奴大

篋山詩草

卷上

八

將材難遇惜兵多三關火急朝飛檄
萬馬聲嘶夜渡河一虛抱書生酬國志
可能擒賊效提戈

閱邸鈔感作

紙上常談亦厭觀捷書頻報掃除難
貔貅安養空籌餉功罪朦朧遍議團
滄海但通吳貢賦江襄復起楚波瀾
餽賦漢再習紛紛俘斬勞章奏只恐
楓宸不忍看蟋蟀吟

獨夜不能寐蟋蟀鳴前楹西風吹斷續
惻惻動客情爾無幽思抱爾無別緒
縈懸與哀怨爾心胡不平毋乃

鳴秋付爾獨天籟自發清商曲如和寡女夜繅絲如聞
壯士悲擊筑使彼勞人遷客聽此輾轉不成眠忽歌忽
泣忽怨慕平生掩抑若爲訴凡音之感由心生漢王聞
樂淚偏傾我亦對此生悽惻淒淒不是故鄉聲胡笳入
拍曲最苦荆卿變徵歌能譜有時繁絃急管不按節一
齊咽邑向風吐吁嗟乎芳草不復綠浪遊何日歸美人
怨遙夜獨立爲獻歎欲明未明啼轉急月寒露重豆花
溼落葉聲中烟如織

古從軍行

篋山詩草

卷上

九

荷戈從小慣十五作親兵不爲封侯印壯心輕死生
紅旆下轅門寒沙萬幕屯近來征戰苦將帥最承恩
昨夜函關雪秦師半渡冰朝來望烽火恐是燒夷陵
邯鄲道中

不識邯鄲道今眞學步來西風吹洛水斜日上叢臺過
客誰游俠聞歌嘆落梅黃梁炊熟否我已夢中回

戲題黃梁夢鎮旅壁

都是名心未埽除醉中依樣入華胥試持枕與田夫着
也作封侯一夢無

早從塵海閱炎涼常笑盧生起太忙我本愚人無夢者
等閒一枕熟黃梁

學署感懷詩

泥沙安分作常鱗解脫名場未了身北望雲霄無道路
南來天地忽煙塵心甘落寔虛中歲事到艱難想古人
坐對一編多感觸杜陵詩句最傷神

變化鯤鵬任所之丹青難染鬢邊絲我嗟匡鼎功名薄
人許馬周骨相奇泉水出山清濁異野葵傾日暖寒知
憐他捷足能先得聽說相如早入賞附擲稿

篋山詩草

卷上

十

炎寂難窺造化權坐來歲月易華顛三生慧業圖成佛
十種楞嚴各是仙伏檻長鳴悲老驥驚秋無語笑寒蟬
恒寬但解論鹽鐵可記軍儲近十年

東溟居近狎樵漁料理生涯水石餘常憾奇山窮到海
未知名士讀何書生來骨瘦天難補說到心期願更虛
好趁秋風歸莫誤故鄉今已食鱸魚

池魚

吹絮唼花春浪寒烟波身世本來寬泳游莫更貪香餌
上得竿頭欲下難附就棟發

留別張集亭

雲祥少府

豪爽張公子論交肝膽生他鄉同薄宦一病荷深情
月夕聞涼雁秋雲對古城離堂頻命酒不惜爲君傾

檢近作自題一律

那有長才賦洞簫久拋心力學蟲雕亦知此事工何益
其奈閒愁醉未消啼鳥感時歌野曲暮蛩相共話秋宵
一編自作鴻泥記半是征途與客寮

毛遂

錐處囊中脫穎新毛生說楚太津津因憐巧際功名者

篋山詩草

卷上

十一

不獨平原十九人

淮陰侯

功高百戰惜登壇千古勳臣比例看何不扁舟尋范蠡
淮陰舊日有魚竿

李北平

偏教骨相累功勳百戰封侯不是君落日灞陵原上獵
更無人識故將軍

王右軍

清談不逐六朝塵解識安危見此人卻爲工書名太重

千秋碑版偃經綸

臺城

漢皇求藥願長生
梁主捨身祝太平
斷送兩朝天子去
世間仙佛總無情

王荆公

誰使青苗法徑行
奇才不幸作公卿
若當臺院左遷去
湘水於今弔賈生

宋南渡後事

屈膝荒庭事可憐
和戎衣鉢竟相傳
趙家三百年天下

篋山詩草

卷上

十一

半睡他人臥榻前

王昭君

琵琶一曲靜胡戈
從此邊功屬翠娥
莫羨趙家佳姊妹
承恩愈重負恩多

人寰

眞覺人寰有畏途
向來涉世悔多粗
心因不忍翻增累
事每求全總是迂
最厭時流設巧宦
轉緣薄俗愛拘儒
茂宏憤憤原如此
豪氣消磨漸已無

九日丁巳

閉門久倦登臨興佳節雖逢嬾亦忘無酒無花猶昨歲
不風不雨自重陽一城砧杵初聞雁九月繁霜已滌場
笑殺淵明籬畔立白衣空盼捧壺觴

接家景幸從兄詩信有懷時兄知四川納溪縣事

一行書到雁來天海上看雲思渺然聚米止臨籌筆驛
櫛翻攤題詩遙寄浣花箋文翁士女歌新政謝客池塘
夢往年永夜相思何處寫心隨明月照東川

青縣道中

驀地新寒雨後生黃花黃葉水邊明棲烟千點鴉爭樹

篋山詩草

卷上

十三

叫月一行雁過城遠浦濕連村寺晚片帆歸帶海雲輕
遙看直北長安路雙鬢飄蕭寸載情

送樹南弟赴陝西

耽讀豈無計因人忽遠行辦裝兒女感酌酒弟兄情洛
水通鄉路秦關足雁聲倚門慈母望去矣慎前程

城外卽目

碌磳堆場穰亞空麥苗滿地綠濛濛涼雲帶雨終生潤
健隼摩天始得雄繞郭菜畦多傍水近霜棠葉不禁風
到頭野色宜圖畫紫蓼黃蘆晚照中

德州送張西園之官甘肅

近別會有期遠別易生愁僕夫急前路車動不可留相
顧各無語攜手上隄頭嶷嶷兩甥女喚舅語不休仰視
鴻雁飛各自顧其儔離懷不能限正似衛水流老兄緘
別恨一語屬道周君今營薄宦藉以謀晨饒西陲幸少
事到日自優游所嗟道路間傳聞懷百憂矧將妻孥去
須防霜露秋萬里有到時不在騎星騶平安數行字有
便付庚郵去去從此別關河悵阻修望中車塵起獨立
心悠悠

篋山詩草

卷上

十四

過連鎮

車行河隄上寒日斂夕曛四圍無短樹遙望疑新村遺
廟唯壁立瓦礫成古墩居人如漁舍散落各爲門此區
號繁庶瓦屋何鱗鱗孤樓聳雙角魯殿歸然存時聞尋
斷礎白骨纏草根一將功雖成盡室遭焚燔連牆列戰
格鬼結愁雲昏應有化鶴人來此驚城垣年來未休戰
殺氣滿乾坤昔日繁華窟盡委狼虎屯勲名竟誰立跡
躡難具論江南復何似對此傷我魂

再過德州疊星岑從姪冬玉韻

雪天鴻爪再來過累亦因人事奈何已唱陽關勞酒使
徧朝嵯始卸客路足風波聽雞野店寒催月策馬霜橋
曉渡河觸撥雄心消不得夢隨南下負瑠戈

晚宿吳橋

昏黑霧如蒸前村只見燈客投荒店火馬踏廢河水樹
立疑僵鬼童蹲似凍鷹濁醪誰復計一醉引詩升

南皮潘節婦詩

巖石能移烈性性不滅堅多心堅多節此在丈夫猶
難之吁嗟潘氏婦人中傑解昔喪所天香火莫延辛勤

篋山詩草

卷上

十五

負子祝我類焉解家室綢繆風雨漂搖不爲反哺烏反
作毀巢鴉解母兮劬勞恩莫報求而不獲計尤狡招引
其類來欲奪黃鵠操網賺之出規之逃觸虎虎怒呼天
天高厨刀忽握臙且罵我其殉夫於地下解恍惚之際
故鬼如語似有人扶起曰去去縣門百里一夕風馳官
吏對之悲急擒鼠輩懲治之解國典誅尙稽河伯怒先
逐盍將此輩果魚腹鮀婦乃躑躅還家泣涕告木主鄧
攸憾天難補風酸雨楚集將蓼荼矢此百年婦心獨苦
甌族人欽其烈 九重褒其節有田薦椒馨有門旌綽

楔墳上松柏枝枝結如鐵
魴吁嗟乎士大夫遭逢大
節當如何乾坤正氣生來
有只在區區一心守立身
乃能垂不朽君不見潘節
婦紉

友人以試藝來質並索擬
作戲成二絕

琉璃匣畔點香螺時世妝
梳樣若何老女十年羞不
嫁
鏡臺愁絕畫雙蛾

五紋弱線手重拈女伴催
看搦畫簾鸞譜鴛針久拋
卻
自家繡出自家嫌

擬庾子山對酒

篋山詩草

卷上

十六

秋露衣珠披秋月桂花吐
琴抱綠綺彈酒向黃壚取
飛
蓋集西園清商按北府山
公倒按籬謝客揮玉塵螢
火
温夕風蟬聲散夜雨相逢
意氣閒杯行那復數河漢
醉
西斜看劍猶起舞

擬閨怨

虛堂來夕風羅帷掩素月
錦衾空照爛惜此少年別
天涯念游子豈不思故歡
遙知今宵月不作異鄉看
殷勤
一書札迢遞雙羽翰妾身
甘獨處客中慎飢寒歲華
亦
云晚游子何時返

題家顯夫兄明湖校士圖依原韻

濟上量才秉玉衡風簾官燭昔年情
明湖一曲波如鏡
曾照冰心徹底清

材經珊瑚網總探奇愛土心情一水知
桂子飄香花及第

絲梧門下殿撰本來循吏卽經師

宰官身見舊精神笑對如來此相真
觸我秋風初地認
鈍根終隔一微塵

晚起得句

戊午

一醉都忘客裏身
曉寒睡味轉相親
春雲到眼花如夢

篋山詩草

卷上

十七

晴日滿窗鳥喚人
老大讀書神解少
艱難學句性情真
苦耽詩似僧參佛
朝暮低眉諷誦頻

晚眺

落日澹生烟
春郊望遠天
野人相與至
啼鳥各欣然
村小多藏樹
田高盡種棉
楊花飛暮雪
風起隔河邊

飲野墓下

野色海東濱
飛花送暮春
手中一杯酒
泉下百年人
黃鳥蕭間客
蒼松閱歷身
衰榮都是幻
誰辨道邊塵

案頭供海棠
紅杏數枝周
以莊同年
以菜花挿置其間

索詩戲賦

晨霞落絳雪翠袖撫紅妝天然兩美合栖此瓊壺方故
人憐我好徑陳薦士章一笑送春來捧出菜花香位置
書案側深紅間疎黃如牽野老衣趣入貴客堂如藏金
屋妹忽進采桑娘又如拔寒峻玉筍羅成行坐我春風
中披拂何芬芳想君憐才意華實毋相忘悟君作文術
文價取相當矧君行有口捧檄赴河陽尤愛植桃李而
首重農桑具此生春手圖治定周詳我笑爲此詩侑君
酒一觴

篋山詩草

卷上

十八

雨後曉起對月

夢裏酣雨聲瀟瀟打窗紙披衣起開門月明半庭水河
漢望西斜斷雲忽東至四面無人聲空籟滿雙日一與
幽景遇遂使煩慮洗笑語樹上鳴鐘鳴可以起

題渡江圖

披圖忽唱大江東破浪如乘萬里風十載沉舟悲戰伐
中流擊楫想英雄海門月落濤聲入天塹波搖霸氣空
安得三千犀弩手隨潮直下射蛟宮

晚過刁公樓卽自

果樹亂無行長林不斷香機聲
隨夜火人語辨村場野
水圍廬白墟烟隱月黃思
遭田父飲下馬乞壺漿
晚坐

晚雨清簾權沈沈澹將夕
空庭秋欲來葍苔生涼色
林火村舍青農飯炊烟白
檐鳥宿親人蝙蝠出窺客
孤坐思安窮吾生亦有役
接刷以莊信

千里書難達南雲望不禁
秋風一雁至日夕百蟲吟
忽對庭中月遙思客裏心
加餐且努力辛苦試鳴琴

采棉歌

篋山詩草

卷上

十九

棉花雨後開成霜村莊兒女手執筐
驚鴻落雁各分行
織織共闢十指強如狙拾栗蠶食桑
野雲擘絮白茫茫
將之禰之襟裙揚腰纏繻負途相望
千家燈火秋林光
弓鳴絃索車轉牀亂飛蓬鬢梨花
妝絡緯聲啼在堂
織女機絲催報章美人刀尺爲
栽量粗衣大布安且康
不羨羅紈堆滿箱南鄰小姑
新嫁娘束縵請火縣初裝
憂公子兮冬無裳

登場歌

離離禾啍啍雀賺刀處處催秋
作豐年無象何處看看

取納稼拾穗人團團茨梁堆過屋穰稬香滿路早遣納
糧城裏去那見吏來夜打戶豆花疎疎葉落黃黃雜白
酒勸客嘗一杯未飲我先狂硯田十載守荒莊迹將學
稼躬農桑麥熟黍熟連登場不嫌大醉頭低昂
憶昔

十年空見長安日紅杏碧桃春不惜金鼎未轉七返丹
十璞猶藏徑尺璧竭來忽入選佛場我慚眞長非第一
倦游分老鄭虔羶飛揚不羨王喬烏還家世事日日新
風塵斗起驚鳴鏑到處因戰耀新銜當事需才破常格

篋山詩草

卷上

二十一

酸寒一官百寮底後來何止千薪積黃金賈賊隨入賞
依舊相如立四壁家貧躬耕那可得小人有母求捧檄
只恐先移北山文不須更填東海石回首壯志眞虛擲
狂擊唾壺歌伏櫪疑我前身作鱉魚文字烹煎宜硯食
客窗秋雨涼不眠默數少年憶我昔

飲酒醉作

平生不喜飲對酒疾如仇常笑吾家伶死愛贈醉侯犀
首日無事稍欲墮其流小戶自編籍賢人亦偶留初疑
飲苦藥瞋眩疾不瘳漸如交佳土意愜情逾投眞氣出

胸臆披豁得吾儔始信醉鄉大日與天地游無怪陶元
亮欲止不能休

月下飲酒作

萬古生我身一時無再值今我不爲歡何以永此夕明
月得我朋天地爲我室一樽又不空得此願可畢人生
一世間浩然行胸臆安能作轅駒低首就羈勒動息無
兼期幽默視我直清澆忽見招塵事詎相逼達哉復何
言行行逾不惑

浮雲日千變孰能究其因東風扇和氣百卉爭一春時

篋山詩草

卷上

一一一

來各矜寵道在誰疎親浮榮詎久冒但觀所立身憶從
化育來愚智何紛紜老去各休暇造物長苦辛令我司
其柄亦覺倦於勤誰能抱衡石銖黍無因循萬事一笑
置唯有酒中眞君看醉鄉古多住義皇人

早過野村

遠村浮衣色凍葉亂溪津霜淡月成水樹空秋在人驚
鳥翻別浦吠犬逐行輪太息茅簷火鳴機已向晨

晚途卽事

微茫村火外夕霧塞寒空野暗看杓北雲流誤月東往

來緣最熟咫尺意俱窮爲語征途客毋輕一步中
暮秋旅興

海國霜氣高秋景夕陽下出門落葉多四顧但平野蹉
跎失盛年倭遲感驚馬思欲凌長風鴻毛安可假抽劍
動悲吟回策自縈惹我思如池泉千蓄不一瀉大運遞
推移吾道有用舍飄若浮雲馳今我悠悠者

客懷不得已振策凌沙岡春風去幾日榆柳疎以黃大
野少行人但見牛與羊舉首望東溟三山隔渺茫仙人
在何處弱水不可航羣鴻海上來肅肅凌風翔干戈已

篋山詩草

卷上

一一一

愁絕何處謀稻梁賸色况復久暮雲亦何長顧瞻極遠
自攬轡慨以慷

復接以莊信道渡黃河時所見卽賦二絕句答之

澄清有志氣橫秋鼓棹輪君破浪游水底狂蛟齊退避
孝侯倚劍在中流

萬家秋色馬頭看紅樹斜陽映翠巒我正思君對圖障
白雲何處隔千盤

白雁

飛白遙鷺字幾行冷雲一片遠相將蘆汀秋老夜無影

楓岸曉聞天欲霜，雪爪幾時辭朔漠。浪花何處鯨瀟湘，
羈人望斷空江月。繫帛書疑寄故鄉。

問江北來客

咨女南征客，兵戈何處邊。夕烽江浦樹，殘月廣陵烟。
浦陽州聞說遺蝗種，將毋害稻田。襁僮憂國計，到處問
豐年。

感興

孤鳳丹穴來，望氣崑崙島。鴻鷺難爲羣，肯顧雛鷺小。
回翔寥廓中，志期千仞表。道遠天多霜，暫止百尺杪。下有

篋山詩草

卷上

一一三

啄鼠鴉仰首笑，未了梧桐常苦寒。竹實常苦少，高節不
可攀。何時見一飽。

醉中戲作

稊米環瀛海，巨鼇戴神洲。仙人排雲出，咫尺隘九洲。不
知蓬萊水，幾見清淺流。空中覩吾輩，何啼羣蟻稠。南柯
枝上下，便嘆身沈浮。蝸角爭巧據，蠻觸鬧不休。榮衰竟
誰是，過眼同一邱。我醉忽大笑，騎蝶問莊周。歛見鸞鶴
過，羣仙騎上頭。招我從之游，鈞天宴正幽。摳衣趨帝闕，
列坐飛觥籌。雙雙白玉童，吹笙揚清謳。嫦娥列十二，婆

娑桂樹秋固識僊
佷佷輩願接汗漫
遊贈我金光草
芬芳滿懷留

撥闌人贈遠

驪駒鳴在門子有遠行期
霜風被大野攜手從此辭
仰視浮雲飛奄忽千里馳
良景戀須臾一杯且共持
妾有數行淚滴君身上
衣願化繭中蠶結君衣上絲
纏綿不可解
夜夜長相隨
妾如水中萍
會合當有時
妾如水中石
波浪浪山不移

寒夜

篋山詩草

卷上

一一四

夜寒人語絕
客枕夢多迷
照室明殘火
回風聞斷雞
霜傳繁柝曉
月帶眾星低
衾鐵杜陵老
長吟醉裡題

長至日諸生置酒邀飲
醉後賦詩周距川作長古見和
依韻酬之

輕雪着人如着水
照室爐火紅
霞起蘆灰未
動酒氣醺
陽氣先回夜
半子劉伶侍側來
二豪君家竹林合
其曹况復飲醇交
公瑾肯學南郭先生
逃春風入坐飲無量
杯行到手不須放
好作暖寒會
裏人圓几十坐
肩相抗燭影何團團
共泛藥玉船
醉愛招李赤
狂且呼張顛當

筵意氣凌雲發諸君更申行酒法拚獲健倒驚看苦焉
知便埋先舉錘我慚羸帥張一軍舞空拇戰何紛紛邯
鄲圍急趙求救崑崙關奪狄策勛百籌輸人酒獨勝今
日之事我爲政長鯨一吸僕忙奔何人狡獪似掉罄吁
嗟乎平生豪興去摧頽蝨臥忽起隆冬雷吾儕此會亦
難必流光一去呼不回山翁醉矣歸亦樂倒牀鼻息如
睡貉不辭更唱倒接離記取習家池上作

雪夜

閉門深院凍雲遮寒擁重衾瑟縮鴉半夜窗明天有雪

篋山詩草

卷上

二五

一燈歲晚客思家枕邊茶韻殘更火圖裏梅添幾瓣花
餞臘迎春催急景我才日退祇年加

早望

遠樹濛濛帶曉鶉扁津河上野人家夜來霧氣如霜結

開遍千林鬢鬆花

排悶偶作

朱顏青鏡易蹉跎白日黃雞聽放歌世上能逃名有幾
算來不得意人多林泉供養皆仙福文字煎熬亦宿魔
表聖賞詩麟閣上半生勲業抵如何

寒作

窓雪朝愁起檐風夜罷吟
敝裘知酒力僻屋覺天吟
榻
柶爐邊客冰霜歲暮心
先生常衛足智竟比葵深

憶歸

宿爐留夜火穿室射朝暎
寒雀不爭樹凍雲低入村
竿
豐民氣靜臘近市聲繁
家甕酒應熟歸傾老瓦盆

歸途作

還家先臘日村鼓聽悠哉
百里西南路十年歸去來
團團
團磨牛跡步步雪鴻猜
共識車中客冬烘放學回

篋山詩草

卷上

二一六

歸家卽事

臘酒新熟羈客歸高堂
迎笑正倚扉小兒驚我不
相識
匿首懷中牽娘衣酒酣
起舞惹母笑家人共問
客中好
昨夜燈花故故开知是
臘日客回早我生至樂
惟團圓
長缺休歌行路難縱無
二頃田負郭在家作勞
貧亦樂
二月食生菜梭魚作己未

東風日日帶飛塵二月郊原草未新
沙地鹽生常似雪
海城花少不宜春登盤菜美香堆玉
入饌魚肥膾勝銀
久客自甘鄉味好故應張翰憶鱸莼

早過天津

萬家眠正熟振策出城西殘影那樓月一聲津樹雞風
塵懷杜牧滄海嘆王尼莫學書生耳聽潮驚鼓鼙

途中遇調赴海上兵

暝鶴傷心往歲情符傳警急又徵兵潞河春柳旌旗影
沽口寒濤鼓角聲誰把長纓繫南粵翻思戰艦習昆明
樓船楊僕新承制一洗妖氛斬毒鯨

郊行

花與人爭路春隨客共歸披披蒲葉大纂纂棗芽肥岸

篋山詩草

卷上

一七

轉帆回樹風涼水上衣前途愁忽破露出酒帘微

沙闊樹團團晨浮麥氣寒白雲無盡意幽鳥有餘歡茅
屋數家遠春渠一水寬老翁携竹杖來往坐相看

秋日館中述懷 八首抄五

下簾人似住深山一榻琴書了不關舊友稀逢唯夢到
新詩初就借燈刪秋空熱惱添身健天養疎慵與我閒
倚酒醉吟庭樹下落花寂寂點苔斑

秋樹人家水郭烟高原樂事自年年一燈夢雨初聞葉
八月飛花正采棉禦嵐那拋新白紵謀生只辦舊青氊

早知蘇季誇金印不換城南二頃田

飛鴻到處印泥沙一硯隨身便作家閒過壯年慙白鬢
醉無佳句對黃花早甘稼圃貧難學但戀科名計亦差
猶有關心當世事客來約略問京華

海色蒼茫遠樹開角聲吹起望仙臺醉懷看劍神猶王
羈枕聞雞夢已回天漢月低靈鵲起碣河風緊野鷹來
縱經搖落空多感可有宗牛破浪才

壯志飛騰隘九州楚雲吳水錦囊收客談神每傾千里
詩界天教守一邱仙關樓臺清夢冷江鄉風雨遠帆恹

篋山詩草

卷上

二八

向禽寂寞平生願五嶽惟從畫裏游

輓戴潤齋孝廉

抱疾何名竟隕身山陽笛起夢如塵方欣三載聯吟侶
可惜中年失故人帶草香留篋山月雪天舟冷剡溪濱
遠慚范式難爲奠回首西原暗愴神

結客少年場行

朝逐肥馬塵暮扣富兒門春申三千客無人解報恩結
交何必游俠子論交何必長安市車笠之盟多悠悠薄
終何不棄於始丈夫相傾曠氣間黃金一諾如邱山上

堂爲君壽置酒煖君顏豁達披腹臆心肝笑顧兒女曹
喁喁眞可憐君不見魏其一朝權勢出武安行酒皆辟
易忿激灌將軍鄙夷程不識壯士失路亦偶然買臣妻
子且去捐君莫交囁嚅儒鼓舌文字眞氣無君莫游冠
蓋里豪門不喜見寒士英豪難識終當親慎勿相輕屠
沽人

東門行

出東門暮歸家室中樽無酒躑躅何處賒小兒牽我衣
索飯頻呼爺聞此不樂心嘆嗟安能牛衣困卧蟣蝨劇

篋山詩草

卷上

二一九

搔爬平明出門去拂拭雙干邪誰非丈夫獨不能變化
升天蛇呼婦烹伏雌還思去看上國花婦挽我裾再拜
相要遮男兒當務令名不須苦慕榮華今時兵馬食君
之祿能不汝疵瑕君莫傷貧且饑子鋤我織薄田十畝
有桑麻咄哉行稅我車今我不樂何爲犯風沙

從軍行

少年袴褶繡兩當射獵馳馬南山岡拓弓霹靂六石強
生擊黃犛血渴飲如甜漿名編壯士籍占募歷江湘但
願圖麒麟戰死骨猶香主將持重計列營慎周防未聞

李蔡出已佩貳師章詔書日趨戰天子開明堂軍中雖
云樂撫髀多感傷願率輕騎踏賊隊勝歸將軍敗當罪
行路難

奉君百結纏絲之秋水滿卮泛碧之蒲萄中宵抹馬喚
僮僕起視北斗星辰高但願揮鞭自茲去意氣先傾題
橋處君今一往休徘徊山川處處好懷開男兒齷齪處
鄉里縱有聲譽何由起悠悠行路莫相悲富貴還鄉自
有期

猛虎啼我前狐狸嘯我後朝行霜凍鬚暮行棘傷手太

篋山詩草

卷上

三十

行山何盤盤羊腸屈曲走車難羊腸屈曲有時盡不似
人心長波瀾朝歡杯酒夕矛戟反覆作雲雨恩愛爲仇
敵何況區區陌路人黃金不多交誰親辭家萬里依親
戚敝衣到門說不識行路難長太息

轉蓬隨長風吹入雲中那得駐客行亦似之蒲稗因依
無定處丈夫豈動兒女悲佩刀長揖從此去不願被褐
謁軍門不願仗策干當路髯軍短簿趨幕府那能隨公
令喜怒聞有跌蕩人不受泥塗萍東行海濱尋魯連西
過商顏訪綺季愛向空山中咨詢天下士天寒日暮行

旅孤愁雲漫漫四野鋪愛而不見多煩紆吞聲躑躅回
我車
天漢流影不離戶牽牛服箱那肯渡脫君陸離之寶劍
投君轆轤之車輪上堂斗酒娛親賓江湖關舟楫京洛
多風塵君不見陶靖節謝客杜門不復出又不見馬少
游但守墳墓耕林邱少壯顏色誰常保人生無事讀書
好何用栖栖涉遠道致身富貴轉畏人不如蕭散在家
貧

秋懷

篋山詩草

卷上

三二

秋氣日以慄耿耿孤燈光西風捲簾幙落葉投我牀倦
客攬明鏡照鬢驚新霜念我少年歡默數皆老蒼回首
十載人聚散何倉黃一硯仍故物孤踪半他鄉我如拆
襪線本無一條長辛苦事浮名自不安農桑醜顏守章
句舊學亦已荒奔馳竟何得閱世幾炎涼詎復勞謬算
起踏破甕狂念此不能靜中宵步周行
長林脫歸雲脩竹澗涼月颯然晚風至低昂若赴節快
雨洗肺肝天空寫澄澈沐髮一疎散顧影兩清絕思化
夢蝶周意愜御風列丈夫出塵想懷抱凌雲闕俯仰時

輩中功名豈人傑月明疎星稀燈搖百蟲歇忽對瓶中
枝我亦忘言說

仿高青邱十宮詞

吳宮

簾廊香繞館娃開秋滿梧宮夜宴回一曲采蓮歌舞妙
何人更得效鸞來

楚宮

木落章華楚水波巫山十二鬱嵯峨大夫要眇傳神女
卻惹君王夢更多

篋山詩草

卷上

三二一

秦宮

宮車盼斷阿房前海止東巡碣石邊三十六年人自老
何如天子望神仙

漢宮

松月蒼蒼露殿開鳥飛不止集靈臺少君已老神君死
誰見金仙下淚來

魏宮

銅雀香分理鬢蟬歲朝奏仗總帷前君王疑塚誰人識
日日西陵望墓田

晉宮

獵獵南風吹白沙錦衣天上去尋花
漉鹽插竹羊車渺斜日宮中問吠蛙

齊宮

關武樓前楊柳垂蓮花貼地步來遲
至尊却愛屠沽客夜火華林罷市時

陳宮

五更樓上促妝鐘花月歌殘睡正濃
傳道新詞江令進不知牀下是何封

篋山詩草

卷上

三三二

隋宮

三千殿腳下龍舟淮水初通汴水流
不管楊花何處落月明歌吹入揚州

唐宮

羯鼓聲中舞態殊頻聞天詔喚花奴
漢家飛燕能傾國解按霓裳一曲無

暮秋郊行

林脫遠村出路暗夕霜溼岸花搖
荒蘆籬犬驚墜葉時見滌場人看雁水邊立

夜夢

夜夢仙人清而癯拄杖導我升雲衢天風冉冉飛雙鳧
俯視人間萬頃湖扶桑照曜青珊瑚海水中湧三蓬壺
金闕樓臺光有無其中綽約多仙姝爛如華月映芙蓉
玉簡初返朝紫虛赤鸞碧鶴翔庭隅上堂擊瑟鏘鳴珺
麟脯行酒不用沽天樂方鳴村雞呼驚飈吹墜塵中軀
兀然似覺還故吾默思宇內皆蓬廬浩浩乾坤鬪戰須
古來一局爭贏輸英雄一去河山孤銅駝不識何代都
豐碑欲讀愁模糊王侯螻蟻嗟何殊無乃天地開華胥

篋山詩草

卷上

三四

雷奔電掣鞭笞驅烟雲萬變生須臾驚風翻倒河漢枯
羲娥戲劇跳雙珠眼前光怪誰可圖却嘆癡人狃守株
有生勞勞塵土趨功名富貴圖歡娛日夕消膏石火徂
朱顏忽見白髭鬚縱把黃金範爾橫丹青一失難追摹
應有仙人驚且吁下視羣蟻哀其愚撫枕莫笑莊蘧蘧
人生何者非夢予

以莊來書極談內鄉山水之奇一紙畫稿也作詩記之
故人忽枉雲中書書長一紙三過讀驚風吹落蛟螭珠
奇筆狀出丹青幅彷彿置身萬山麓白雲冉冉生我足

又疑披示眞形圖奇峯異狀紛在目夢魂縹緲隨烟霧
頃刻巉巖聚萬族或如仙叱羊或如神抱犢或持舟楫
行或疊屏風曲跂如鶴登巢垂如猿掛木龍忽驚而翔
獸忽蹲而伏或食方對案或棋初設局衣或曳裳褌色
或眩朱綠離離嶺復低行行岫又復有時俊鶻盤浮屠
胡僧危坐髮頂禿忽然當空排長橋老人拄杖小兒逐
神工鬼斧削不成烟巒變幻驚何速無乃山靈亦好奇
作態騁妍供遊矚杖屨爭喜迎詩人待君生面開巖谷
翩然遠附歸雁書意欲洗我塵土辱我生塵土那免俗

篋山詩草

卷上

三五

客窗風雨空對竹浮杯難消芥蒂胸作吏妒君山水福
且張四壁當卧游南望飛雲更躑躅聊傳綵筆夢中花
記君畫稿親手錄

歸途見雁感賦

問汝家何處南來又北歸長年羈旅苦生計稻梁微沙
渚多潛影東風更浪飛前途霜雪少烟水莫相違

抵家

詩囊茗盃滿牀橫夜火窗前笑語聲坐對家人感羈旅
老憐幼子譽聰明百年作計才偏拙一第難求氣漸平

但願閒邀桑苧侶聽潮看獵州
兮城觀海有繼

篋山詩草

卷上

三六

篋山詩草卷下

勃海劉曰萼韻泉著

清明

庚申

三春纔放十分晴
風引游絲欲出城
麥飯棠梨西郭路
麗公上塚又清明

客談軍事感作

遠戍風高咽暮笳
書生撫劍起悲嗟
頻聞海上驚飛艦
愁向江南賦落花
百戰雄關空虎豹
十年壯士幾蟲沙
步檐側望天弧影
太白光寒落月斜

篋山詩草

卷下

蕭橋赴飲

經旬慵未出綠蒲
鬲河濱
芳草自知路
春風長與人半
村紅杏遠四野
白雲親
酒罷歸何處
蒼茫獨詠身

小院

壁上荒藤老
庭西小院偏
幽居巖下隱
真味定中禪
花少知春晚
情高得夜先
曉來人倦起
又誤欲陰天

步西院作

客意如春倦
西堂暫此經
風閒花上帽
人靜鳥趨庭
水色穿簾白
棠陰出院青
題詩問窓竹
記否一年聽

春晚卽景

青燈眷客歲年深
明鏡欺人老態侵
畫裏湖山招隱賦
酒邊風雨判花吟
一村溪水生鷗夢
萬里烟霄稱鶴心
常笑野雲膚寸起
聊能含潤不爲霖

晚步

日長墟市散烏雀
噪柴門斜照半溪水
歸人何處村晚
涼生麥信暝色入炊痕
燈火望西郭依微佛殿尊
同孫雲生月下散步作

孤館時尋夢相過
獨有君坐攜鬲河月一話故山雲烟

篋山詩草

卷下

一

樹棲禽定燈街晚
柝聞他年鴻爪憶
曾此值爲羣
復同孫雲生游西寺

暝色來高樹斜陽入寺樓
正思行飯地重與故人游
佛寂閣清晝僧閒到白頭
三生鴻爪跡有分此淹留

題畫

四老精神邁古稀
白雲一曲采芝歸
何如終作巢山隱
出爲儲皇惹是非

商山采芝圖

麟閣圖成甲帳遷
難將憔悴此中傳
節旄落盡羝羊淚

雪窖穹廬十九年

燕山冬、牧圖

義熙大有關心事彭澤歸來醉不言籬下黃花門外柳
人間何處有桃源淵明采菊圖

一僮前擔行一僮負琴去一僮問先生梅花在何處
終作襄陽老曾游上國時一生清福足不誦洞庭詩
襄陽尋梅圖

野田極目頗憂亢旱卽景感述

落日村臺望遠情乾坤多難腐儒輕貧依農事愁逢早
老惜明時未罷兵江海頻勞籌戍饒詩書無用到科名
杞人自抱憂天意獨夜瞻雲夢雨聲

篋山詩草

卷下

三

姑蘇四首

姑蘇臺畔戰雲橫伏雨闌風暗舊京八載徒增鍾阜壘
一時誰散朔方兵繁華歷劫關天意財賦雄邦自古名
欲譜江南腸斷曲含毫愁殺庾蘭成

大江流去哭聲長千里湖山接戰場烽火方驚連茂苑
寒潮重忍撼錢塘東南半壁亡天險風雨三邊泣國殤
空向斗間看紫氣闔閭墓冷劍池荒

石城萬隊守熊羆一潰重圍力不支賊勢長驅偏得歲
眾心久散少登陴每聞寇去官仍返未到兵殘將自疑

江草江花無限恨悠悠南國望旌旗
一炬臺空又館娃直將浩劫盡豪華
破吳舊事五千騎
繞郭新烟十萬家江左功名無謝傅
漢庭憂憤憶長沙
誰憐滄海橫流處尚有驚心故國槎

和潘心潭兄贈詩原韻

琳宮過雨晝生寒日把新詩獻佛看
結習消除奇氣出
眞空悟到鈍根難功名何物身原幻
雲水無心遇轉安
卻羨維摩方丈室天花吹滿講經壇

題江南春色小景

篋山詩草

卷下

四

舊時吳苑柳毵毵歌舫游聽路未諳
春色祇堪圖畫見
落花風雨滿江南

雨後村溪晚步

積雨村路斷溼烟收不起月出四鄰靜
秋光在溪水樵
歸望燈火農飯依墟市田歌不見人
人在田禾裏

擬禽言詩

提壺廬沽美酒再拜爲君千萬壽
不愁酒價高但願酒
錢有葡萄一斛博取涼州守

泥滑滑雨又急行人馬上去不息
馬蹏凌兢去何之人

不知還空汝悲

姑惡姑惡姑不惡入門婦難作君不見昔時新婦今爲
婆依舊小姑承顏歡笑多

郭公郭公林落水空朝暮啼何事禾黍生秋風爾自失
國怨誰語繞江招魂哀杜宇

脫却破袴布穀溪邊勸我渡三月棉播種八月花飛路
願儂孽絮婦辟纒昔時無袴今有襦

不如歸去欲歸歸不得啼血勸人鳴不息天涯作客人
盡歸爾向空林何處飛

篋山詩草

卷下

五

得過且過壺有酒勸君歌竹實食苦饑梧桐棲少柯風
凰將奈何江湖歲晚風雨多我有盧爾有巢得過且過
海上感事

空外走雷霆帆檣四望冥旗翻津水白潮落海雲青鳧
雁驚飛疾蛟龍戰血腥和戎勞魏絳又報出都亭
沽口連壕柵經營有歲年如何沈鐵鎖依舊進樓船竈
冷貔貅遠城開虎豹懸彼蒼翻助逆風雨意茫然

戈船齊壓境贊普屢要盟縱使通夷舶其如近 帝城
笑談誰可却戰伐久相輕孤憤思車右甯惟粵甲鳴

戰鬪紛南北鄉民又議團風塵淹畫角身世愧儒冠
文字鄒枚誤人才管樂難却憐戈戟影處處飽經看
年豐

轉戰東南急驚濤海上同天甯悔禍照人幸定年豐慘
慘風雲氣悠悠將相功滄溟萬谷水遺恨恐難窮

晚景

夕月流空庭雁聲入寥廓虛館人未眠孤燈一葉落
八月十五夜諸生招飲灑醉歸作

天公不愛作中秋陰雲霾空凝不流嫦娥妝成嬾出戶

篋山詩草

卷下

六

一鏡深掩東海頭登高比望京國路妖氛正滿何觥籌
諸生愛客酌我酒酒酣看劍風颼颼人生會合偶然事
此宵此景那得求舉杯醉占人滿眼空山邱風濤忽掩
津門暮鬼方兵集燕臺陬國讎深恥有共憤惜哉繫賊
非我儔天高海濶何所往不飲何以消煩憂千戶酒萬
戶侯請君計此誰當優強酌且成歡醉眠我欲休吁嗟
乎腐儒萬卷徒咿嚶平生識字無一酬既不能生斫蛟
鼉窟力截水犀舟又不能身被組練荷戟歌同仇徒然
浪迹如浮鷗寇深如此庸非養士羞須臾雲散光氣浮

嫦娥欲出仍遮樓我持巨觥跪獻天帝壽
此徵忱託歌謳不願月照人家酒筵好但願一雨淨洗戈兵愁

秋懷五首

野曠沙寒木葉空雨催秋氣入長虹
竟忘天地肅清日坐閱湖山錦繡中
河水北來尋禹迹車鄰西去壯秦風
魚龍寂寞芙蓉老渺渺寒雲沒斷鴻
長鯨夜吼海雲開奔浪如山不可摧
飛礮雷驚天外落析津槎泛日邊來
中原將帥思頗牧京國文章陋馬枚
每盼平安傳夕火更登高處望燕臺

篋山詩草

卷下

七

怒濤南國白鷗驚楚水吳山道路橫
百粵烽烟開暮色大江日夜變秋聲
叢祠月暗狐鳴火畫角風沈騎笑營
愁說杜鵑啼血處丹楓林葉染時成

風雲十載慶彈冠西第偏多債
帥看裘馬盡知爲宦樂兵戈誰念撫民難
得時花更驚秋早擇木禽知避地寬
多事山靈嫌俗駕無人肯戀薛蘿寒

車停古道日榛蕪浩浩乾坤正氣孤
兵火十年非舊俗衣冠滿眼笑寒儒
塵飛碧海蛟龍泣草沒高原鷹隼呼
誰把傷秋無限意荒烟落日對前途

歸客吟和友人韻

西風吹木葉齊，傍馬頭飛鴻雁一行下。羈人千里歸兵
戈寒入夢，霜露曉霑衣。已幸依桑梓，歡然酒共揮。

春陰晚步 辛酉

薄雲不成雨，竟日作晴難。溪水有新色，春衣生暮寒。早
花隨地發，幽鳥怪人看。坐愛青青竹，何由把釣竿。
途經鬲河北，值杏桃盛開，有作。

驅車故繞花深處，愛惜春光住少時。解道黃鸝來勸客，
殷勤飛上路旁枝。

篋山詩草

卷下

八

海上

菰蘆短短雨疎疎，海上人家落紡初。昨日水蝦新上市，
棗花風裏賣香魚。

讀吳祭酒詩集

慷慨故人奇節在，飄零詞客暮年心。宦游親老歸原早，
名重山棲悔不深。每憶杜鵑悲舊國，堪憐精衛是冤禽。
箜篌哀怨琵琶淚，幽思纏絲耐細吟。

和潘心潭小舍落成

昔過通德里，遙愛好田廬。築舍新依水，藏家舊有書。柳

深陶令宅苔滿子雲居小試生春手清吟更起予
和心潭遣懷元韻

往日鶯花夢帝京市樓慷慨酒杯傾模糊黑白棋多劫
偃臥魚龍水漸平江上粟芻喧遠戍海邊風雨對孤城
腐儒蒿目無奇策莫縱狂談議戰盟

讀南宋史

覆轍分明兩宋多草茅孤憤奈公何君臣計迫論遷國
將帥心寒解棄戈搜餉已空仍議幣逼人太甚且聯和
千年生氣宗留守風雨猶聞喚渡河

篋山詩草

卷下

九

讀元遺山集

老淚灑縱橫遭時偃巨鯨杜陵留矩矱庾信見平生野
史千秋托詩名兩代爭井蛙嗤竊據此筆壯干城

夜坐書感

絡角銀河曙色闌往時清漏夢長安天山木葉生秋早
漢苑芙蓉過雨寒中夜聞雞空激壯短衣捫蝨話辛酸
風塵何限英雄恨付與蓬茅醉眼看

步月

溪月隨人影林風淨客衣愛尋幽徑出坐受晚涼歸零

露莎雞語疎簷蝙蝠飛夜深不相管物我兩忘機

曉起

曉起村烟白紅翻日入扉露枝衝鳥溼風葉帶蟬飛禾
黍低初熟牛羊散不歸早涼砧杵動應製芰荷衣

新塋栽樹

我聞淮陰昔葬毋擇地廣容萬家守亦有許生奉詔歸
千騎上冢車蓋飛二子卓犖當世傑我今賤衰何須說
微祿難遂眷暉晚阡表莫留石文闕海城迤西郭北邊
辛苦銜土營新圩篤信葬經味遺訓但求生氣安重泉

篋山詩草

卷下

十

我願右軍誓守墓曉踏松楸驚霜露舊塋西望百餘步
髣髴先靈時來去紙錢麥飯寒食暮兒孫相沿識舊路
攀條手撫新種樹預計合拱清陰護百年知有歸骨處
歸燕

幾日秋雲海上飛鶯花舊願悵多違江南不少烏衣巷

王謝而今恐未歸

題戴潤齋遺詩卷後

記棹扁舟訪戴行四年風雪共詩盟而今展卷添惆悵
字字山陽笛裏聲

一種風流綺麗才挑燈重對筆花開玉樓天上成應久
作更芙蓉館主來

彈棉曲

絡緯啼老促無節衰女繒帛垂垂裂獨絃一崩霹靂摧
繞屋飛花落香雪纖手不辭一再彈一彈人心寒再彈
人心暖梨雲墨鬢春夢晚一聲纏絲一聲怨

十月二十日夜夢與心潭登天津西南城樓最高處叢
蘆垂柳河水奔馳心潭云此千里蜿蜒勢也余則云
沙水淘汰乃見澄清覺而情景宛然爲續此詩寄心

篋山詩草

卷下

十一

潭索和

海角城樓立影危蜿蜒一水疾如馳直疑鷗詠逢高會
快觀澄清正此時津柳遠縈千里夢蘆花分照兩人詩
共君早結濠梁興蝶幻魚游笑不知

初冬與以莊曝背閒話

初冬晴復暖炙背竹檐間秫酒留賓醉菊花對我閒天
難饒素髮貧更戀青山詞欄各抱烟霞趣何須說閉關
我倦仍爲客君貧轉誤官迂慵生事拙直道宦游難小
草含春思梅花耐歲寒依簷紅日近回首望長安

夜觀舞盤技同距川作

先生燈前不作字逍遙捫腹無一事魚龍幻術傳偃師
銅鉦一呼萬人至初將談笑排重圍入以諧語雜嘲戲
雜伎故作乘韋先似惜其巧不輕試俄焉一扇擎當路
一盤直轉手生風風轉地紙鳶跼跼起空際盤影蕩搖
扇影隨低昂欹斜故作勢歎有一盤破空出仙人擎露
譚雙臂搖兩荷蓋不定珠戲花蛺蝶並垂翅一盤東一
盤西以扇指揮如其意盤若揚扇若抑妙手聯絡皆一
氣忽然盤旋走不停飛霞片片捲風疾旁觀色動駭欲

篋山詩草

卷下

十一

擊雷雨收空鬼神祕我聞壯士擊毬丸亦有佳人舞劍
器瀏灑渾脫冠一時神乎此技毋乃類矯捷直訝橫空
飛微茫誰認多絲繫乃知至巧熟處生習若故常託奇
異歸語吾黨二三子文章之妙有新致

喜張牧臬過訪卽送之官河南

鬱抱燈前忽一開朔風吹送故人來縱橫論事餘豪氣
跌宕歌詩愛雅材千里飛雲依汴水十年春夢隔燕臺
相逢又作臨歧別會有南鴻寄字回

過天津 壬戌

吹角海天孤風潮七十沽邊雲隨馬起春色渡河無強
虜來無數新隄築已迂誰能奮長劍先斬左單于

西沽

潞水綠生波春風入擢歌橋喧魚市早岸聚賈帆多東
海聞笳起西沽賃酒過輪蹄三十載垂老此關河

河西務早發

落落晨星大荒荒海氣蒸成樓咽霜桥水驛閃風燈夷
騎往來熟塵沙感慨增劫灰何代寺我欲問胡僧虬螭

燒

篋山詩草

卷下

十三

入都

馬背風聲海上來鬱葱烟樹薊門開九霄日月瞻重曜
雙闕衣冠徧九垓獻策誰承宣室召逢時莫羨長卿才
市樓一醉尋屠狗蒼翠西山落酒杯

同張子實園游龍泉院觀鶴由法源寺而歸小酌

勝侶諧幽尋城市亦清遠乍出塵霧中徒步東風善蓮
宇西南端舊游跡猶緬旁穿蘆徑微細隨壇路轉入門
驚創見羽衣何偃蹇誰致凌霄姿苦遭支遁翦三山隔
尺咫六翮困難展豈爲羞軒車飯依向鹿苑登閣望西

山蒼翠已在眼鐘聲喚客來餘興復不淺花雨入道場
齋廚集僧飯看鳥移禪枝尋碑剔壁蘚緬懷疊山公當
年此淚泣白雁江已寒朱鳥魂應返歸路拜祠堂夕陽
在旌竿相約過酒家凭欄俯飛幟再閱朝市人一醉芳
樽滿

出西郭望昆明湖

禁苑昆明劫火寒秋風海上接波瀾甘泉馳道霾雲磴
梵剎蒼松護石壇畫裏樓臺曾覆水雨餘楊柳好憑闌
十年重望湖邊路祇有西山似舊看

篋山詩草

卷下

十四

都城南卽目

尺五天低樹四圍山光堞影乳鴉飛長楊宮館連南苑
韋杜風雲護北畿芳草綠侵游女屐落花紅土酒人衣
遙憐一派蘆溝水常送征衫照影歸

轉戰

轉戰何時定悠悠十載中江霾吳楚坼海入夏夷通征
戎疲羣盜安危倚數公神媧五色石初試補天功
將出都登籌台北望

風塵一笑百無能燕市狂歌老態增從此歸耕東海畔

更登高處望觚棱

燕南道中

西指青山倦眼開
馬蹏催我出城來
離愁終古桑乾水
落照寒空郭隗臺
今日幽燕無俠客
當年頗牧是邊才
望諸墓上重回首
烽火南天畫角哀

山津西渡河觀一帶菜圃

春草牛羊路野塘
鳧雁天白隨帆影
轉黃到菜花前川
陸生涯足關河此
地偏殷勤灌園叟
喚渡夕陽船

與以莊小飲

篋山詩草

卷下

十五

白社歸閒客青雲滿後塵
相逢仍作我一笑又經春江
海收詩卷乾坤縱酒人
舊游京國少肯惜把杯頻
時疫盛行感賦

瘴癘新浮海乾坤半苦兵
戰場餘後劫天意毒羣生
雜治醫巫亂迷方人鬼爭
傳聞起浩口一夕滿津城

行路人懷懼焱天處處經
病先愁藥價貴亦到芻靈日
氣蒸雲黑風烟接海青
沿村蒿里曲淒怨不堪聽

生死須臾事何方救急疴
野荒新鬼聚藁葬苦人多
符咒傳妖語城鄉起大讎
反愁親舊使消息忽來過

路行方苦盜星異復垂天感極推人事愁深到酒邊
兵戈哀歲久疲癘幸家全共道桑麻長千村賴有年

醉來

醉來狂擊唾壺歌顧影燈前鬢欲皤萬事都非年少樂
九泉漸聚故交多雲涼海畔秋消瘦盜嘯萑苻路負戈
樽散何知匡世略祇將良會惜蹉跎

城外夜歸

黃昏城邊望燈火掠面蝙蝠衝人過星河倒瀉北斗高
禾黍亂搖西風大村黑樵徑各自歸夜游燭秉見一箇

篋山詩草

卷下

十六

喜無醉尉都亭留却借故侯瓜棚坐男兒既與世相遺
笑舞狂歌何不可

西望

華峯西望閃長庚渭水東流湧哭聲寇去反生回紇釁
關開久盼楚江兵頻聞失律寬殷浩猶爲憐才用孟明
灞上棘門兒戲事早秋烽火照秦城

望田家

夕霞明遠水高柳帶荒村日落牛歸徑溪邊犬護門閒
身與農圃比跡接邱園共賽田神罷醉眠秋樹根

中秋月下集飲

海畔涼消疫雲端月送新且歡今夕酒曾照舊時人城
闕落秋影關河生戰塵母將輕一醉領取太平身

代送某通判赴河南

別駕初飛龐統驥急裝誰贈呂虔刀干盤少室迎涼翠
九月黃河壓怒濤兵革漸稀天意轉瘡痕親撫吏能高
畫堂坐嘯陪成瓘霜曉燈明讀六韜

早過田中

日逐村氓樂歲豐粟場高擁海雲紅人來長隴寒烟聚

篋山詩草

卷下

十七

禾盡秋田遠水空有志豈徒在溫飽不才何處說窮通
願爲農圃依先墓但買城西地幾弓

擊劍彈琴計總疎海天舊侶問樵漁久慚旅食思躬稼
已淡名場嬾學書適野漸能分菽麥教兒撥共把犁鋤
遙遙沮溺關心處漫說生平懷抱虛

晚起

晚起家何事松扉晝已關弟兄容我拙江海此身閒
白屋安慵態黃花慰醉顏投簷喧鳥雀薄暮亦來還

送客出居庸

薊門北去幾時還木葉泉聲落萬山回首長城秦塞月
一行歸雁入邊關

沙嶺

沙嶺盤旋上荒林路不分鳥衝飛屋葦馬帶入村雲果
熟看人守砧愁隔水聞涼風吹旅鬢秋思暮紛紛

秋緒

悄然秋緒抱涼意滿池臺落葉獨行處孤村先雁來星
河沈劍氣戰伐老邊才萬事閱遲暮中宵鬢髮催

健兒歌

篋山詩草

卷下

十八

生小幽并習戰韜恥將輕俠鬪名高秋風閒却射鵬手
自洗騰鷄看寶刀

黃皮袴褶紫騮騾蕭瑟關河大地秋笑問龍泉知我者
男兒何必定封侯

仗劍行爲老友潘心潭子竹君作

十載烟塵暗南國豺狼如麻擒不得入山先疊辟兵符
磨盾誰草討賊檄豈無毛錐請處囊終南捷徑借戰場
枉說將軍能聚米可憐都尉多爛羊男兒卽當手提三
尺筇親隨驃騎斫賊壘有好身手圖麒麟豈必科名取

青紫令之潘生古終童請纓無路思從戎太阿龍泉汝
知我感時不憤非英雄聞說中州扼賊路千里仗劍輕
身赴醜酒宵經廣武場振策曉踏黃河渡睢陽城外陣
如雲大帥檠戟開營門被褐而來驚王猛畫策欲獻擒
孫恩從古遇合事難必問關馭涉忽有失幸遇鮑叔肯
分金却悔班生空投筆回首東海鄉雲端倚闥雙杖望
不安刀環罷唱從軍樂蒯緱愁聽行路難我聞此事神
骨王少年雄壁萬夫上吾謀不用膽足豪長歌歸來氣
益壯君不見李中丞嶺南直嶺南羅忠節澤南秀才起家仗節

篋山詩草

卷下

十九

鉞敗革裏尸亦鬼雄提刀殺賊乃人傑勿謂潘生作計
癡其人其事皆足奇鷓鴣磨淬忍終棄蛟龍會合當有
時落日關河颯風雨轉愧劉琨思起舞期爾射虎南山
邊短衣匹馬從君去

暮秋遣興雜詩

宋玉悲秋士馮唐老故官星辰南極動閭闔北風寒世
亂恩威替兵荒戰守難河山形勝在落日一憑闌
勇略傳飛將勳名說故侯相偏無燕領官亦有甕頭城
郭風雲氣關山戰伐秋沈吟且沽酒醉脫赤驢裘

流寓哀王粲，干人笑禰衡。文章輕老輩，時俗重科名。筆
帶秋雲色，琴彈海水聲。破空霜隼出，爲爾氣崢嶸。
途窮多阮籍，年少已荀郎。身在誰能料，時來各自強。瘡
痍憂國計，烽火急邊防。頻歲渭川獵，何人尙釣璜。
宦序潘生拙，寒氈鄭老貧。風雲開上選，花月奉閒身。有
力誇超乘，無材困積薪。更憐填海鳥，銜石出艱辛。
百日辭彭澤，全家入鹿門。重尋耆舊傳，空對菊花樽。出
處原隨我，高風兩不喧。徑須采藥去，何必往南村。
望遠

篋山詩草

卷下

二十一

放眼乾坤劇鬪爭，鯨濤蛇霧幾時平。海濱民歲差無恙，
關隴番回復用兵。日落太行長劍倚，河沈絡角大星明。
觸蠻割據非天意，不盡茫茫望遠情。
帝簡東南將畧優，專征權重古諸侯。直擒豺窟清淮右，
更掃鷗巢下石頭。節鉞三吳資上相，韜鈴四省控中州。
彼蒼若厭窮兵久，兩戒河山百戰收。
歸途

村冷不鳴雞，清霜散馬蹏。寺明殘雪在，野濶夕陽低。兵
事聞人說，林光見鳥棲。忍寒行百里，城影海雲西。

寄心潭

世俗貧交薄形容老輩看廿年同旅泊一第各艱難海
暗蛟螭蟄霜高鵬鷗盤不才甘隱遯那更戀微官
知已天涯在君纔百里程素心秋月見揮手海雲生踪
跡酬時晚悲歌望賊平相憐葵藿性老亦向陽傾
赴舊縣道中作

曉色先鴉起霜花帶霧看重過太保臺白石松風寒荒
蹟禹河在古隄齋界寬雪中誰獻雉舊事問饒安
寒夜

篋山詩草

卷下

一一一

壓檐霜重夢來遲鼓角荒城月上時寒色侵簾殘雪映
朔風掠地做裘知影依衾枕翻愁卧吟苦妻孥共笑癡
聞道甕頭家釀熟精牀注夜醉先期
嘉平六日以莊招飲兼邀諸生敘話卽事述謝

正臘歸來笑語新一杯座上氣先春鶯花往日拋殘夢
雞黍頻年累故人味合苔岑成夙契香聯燈火是前因
回看少壯憐霜鬢努力青雲早致身

初至館中不寐

癸亥

羈枕餘鄉夢孤燈不耐看海雲連郭暗春雨入沙寒涼

輦羣才盛林園晚計難六年從滯客數去酒杯寬
書懷

黃塵碧水事安窮百戰風雲指顧中豈必成名皆豎子
斷無報國不英雄幾年荆棘悲時局何處溪山著漫翁
囊硯累人拋未得壯懷慷慨尙雕蟲

過野園

榆錢風自落石蘚雨餘斑步入菜花徑心知桑者閒春
流明野寺日氣滿柴關余亦忘機者坐看飛鳥還

滄州城北道中

篋山詩草

卷下

二二一

馬頭麥浪綠初齊山鳥頻呼滑滑泥不辨前村多少樹
爨烟帆影大河隄

昔游

昔年仗策 帝京遊白袷翩翩跨紫騮俠氣狗屠結燕
市豪吟馬客動幽州雲開北闕來仙殿酒對西山徧寺
樓今日春風渾似夢杏花含笑鬢絲羞

別貢院老槐樹

明遠樓前拜老槐春風十度此徘徊都堂步出重回首
此後看花可再來

秋雨春風長舊柯
婆娑老樹閱人多
花黃時節重相憶
卅載劉郎鬢影皤

頗看得意少年行
堪笑朱衣困老生
二百年來辛苦地
幾人能不負科名

約同人游南城佛寺

韋杜天瞻尺五開
登樓總爲愛西山
長安花事三春盡
禪榻茶煙半日閒
且逐少年縱談笑
不慚雙鬢見爛斑
歡游難定重來約
笠屐招尋數往還

崇效寺

篋山詩草

卷下

一一一

不知白紙坊頭路
荒剝尋僧去馬遲
紅杏青松圖不見
等閒看過牡丹時

詠史二首

早識深源敗猶遲
馬謖誅泥沙軍餉棄
斧鉞主恩辜十載
功安在連章事豈誣
可憐麟閣吐自不願
形圖

韓禽原鬪將處仲
亦奇兒愁直彰中
禁功名付左糜
小才未聞道再蹶
豈能支可惜登壇
久長驅十萬師

歷海淀諸園賦二首

石磴分明輦路斜
晚來誰數舊宮鴉
只餘湖畔青青柳

瘦倚東風望翠華

甘泉馳道接長楊
臺殿消沈佛火涼
嗚咽玉泉山水
奔流依舊繞宮牆

游西山三首

都城負太行
西峯拔其萃
蜿蜒第八陁
拱衛聳右臂
俯瞰薊門烟
高挹居庸翠
渤碣包地形
陰陽狀神祕
萬古神仙宅
枕屏天爲置
爽送滿城雨
晴迓九門騎
烟靄鬱青蒼
吞吐逞姿致
我性夙愛山
舊約留僧寺
出郭驛塵清
照水塵心醉
恍惚飛馬迎
似將山靈隱
同游二三人

篋山詩草

卷下

一一四

硯箋樵樸被題句
期層巔筆帶雲霞氣

北上青龍橋
西望金山口
封樹鬱蒼蒼
壽陵此荒阜
陰風鶴鶴叫
古穴牲狸走
緬懷土木變
萬乘自貽咎
倉皇議南遷
誰爲社稷守
夷吾辱亦歸
司馬業難朽
奪門忽論功
君臣並蒙垢
直北望裕陵
王氣亦何有
我沿湖水曲
荒墳起培塿
丞相昔刻石
肖像公夫婦
翁仲誤流螢
拈擊來樵叟
勢去陵谷遷
時來風雲厚
華屋與山邱
年代一回首
誰鼓雍門琴
臨風慨嘆久
惟有西山色
終古滿林藪
晚過昆明湖
夢落烟水窟
驢鞍帶歸雲
遠峯上

夕月行行碧雲寺空翠沁毛髮石磴紆千盤佛殿經數
折泉水鳴淙淙清響激林樾直上登浮屠石氣沁人骨
下看夕鳥飛平揖萬峯列回首望都城雲裏指雙闕極
天青濛濛忽覺世路熱寺僧留我宿齋鉢飯松屑夜深
木魚靜清梵隔林發

宿碧雲寺

殿角風鈴語夜深忽來鐘磬隔山音妙香花散維摩室
遠影燈明祇樹林淨土尙餘三宿戀曉窗忽落眾峯陰
雲根湧出潺湲水洗耳清涼更洗心

篋山詩草

卷下

一一五

卽事戲贈寺僧

剪燭評茶愛懶殘夜深禪語鎖相關山僧苦愛城中去
客自城中來看山

同王小鐵堃潘心潭游天甯寺

孤塔隔城似招客芙蓉西望削初成尋詩出郭發幽興
攜侶看碑饒古情人海風塵無限苦禪房竹木有餘清
尙嫌門外多車馬明日游山曳杖行

昆明湖雜詠

石甕山前日又曛繡漪橋下水沄沄金遼往蹟殘碑少

誰問湖邊耶律墳

夕陽猶認劫灰紅
想像旌旗在眼中
一抹青山飛鳥外
漢家三十六離宮

游西頂

御隄北接長楊館
馳道中通細柳營
杏酪麥餚齊供佛
進香天氣十分晴

年年四月開香社
紈扇流蘇照綺羅
斜日繡漪橋上望
領巾來往內妝多

京寓報罷二首

篋山詩草

卷下

二六

囊罄長安米花迷上國
春無情今夕月又照去年人骨
相自知薄文章還得貧
夢中耕釣侶先到海東濱

未了京華夢猖狂復此來
西山縱游屐南郭訪香臺
勝侶招多醉清時老不才
畫圖及詩卷此豈算空回

出都五首兼留別李月農

明日單車出帝畿
鄉心先逐海雲飛
歸來定惹沙鷗笑
苦要銜塵染素衣

白鬢科名值幾錢
猖狂歸卧舊林泉
無情碧草燕南路
枉送東風二十年

出郭人隨南去客，抱關吏笑北來顏。
看花無地能容我，猶願花開歲歲春。

曾過西山杖策來，昆明湖畔弔殘灰。
文章報國平生愧，轉爲風塵惜將才。

遙從海上望仙班，回首鈞天一夢間。
猶繞宣南坊畔路，酒樓飽眼看西山。

抵家

槐柳陰陰夾道遮，又騎羸馬出京華。
佳人日暮倚修竹，歸客春風唱落花。
衣上殘痕燕市酒，水邊老屋海城霞。

篋山詩草

卷下

一七

天街一樣初圓月，猶解多情送到家。

晚步

山齋困午爻夕，雨納秋爽偶然意。
所適杖策過林莽，歸徑村火微流泉。
海月上邱壑，違素心濠梁寄遐想。
孤鳥度影來清磬，一聲響。

將赴武強學博任留別以莊同年

將老方開苜蓿盤，秋風拋却舊漁竿。
久憐薄宦同雞肋，難謝雕籠笑鼠肝。
天爲耽詩移僻地，人緣失路就閒官。
西河仍作傭書計，猶有論文興未闌。

六載紗帷沃飲醇謝家羣從各超塵天涯何處無明月
杯酒今難別故人五十頭顱風雨疾百年交道性情真
汴城此後看歸雁珍重相思寄我頻
與距州夜談西山勝概追憶佛寺舊游

筆底烟嵐萬壑收杖藜曾躡碧峯頭松盤行磴探香界
石祕陰崖瞰佛樓寶洞珠嵌山月曉龍潭風撼夜堂秋
何年襍被攜公瑾更策雙筇汗漫遊

贈別

竹窗小影暫團欒每翦秋燈話夜闌三度雍梁來去苦

篋山詩草

卷下

二八

中年兄弟別離難海雲紅樹飛鴻遠蜀道青山立馬看
我亦揮鞭辭故里可憐生計累微官

九日登保陽大悲閣感賦

危欄南望起烟塵屬酒西山感慨新將相誰爲援國手
桑麻多少棄家人已憐時事成今日苦被微官絆此身
不肯折腰爲斗米簪花重憶葛天民

初入學舍作

老屋三間四壁懸多時冷竈不生烟經營家具搬薑鼠
棲托風簷抱葉蟬此舍闍人皆倦客他鄉故物只寒氈

一身料理吟兼醉薄俸何勞乞酒錢

登武強城

縣名傳武遂李牧此橫戈
略地燕南盡防秋塞上歌
天籠平野大河繞古城多
更識將軍樹荒營策馬過
鬱鬱

歲暮懷人七首

周以莊同年

飲醕座上挹春風
磊落交親氣槩中
五載羈棲容我拙
一官偃蹇與君同
伯仁雅量樽常設
茂叔清言句早工

篋山詩草

卷下

二一九

好盼桑榆收晚景
河陽花發滿城紅
潤仍赴

潘心潭孝廉

佳句驚人潘邠老
長年作客亦堪悲
壯懷宜舞軍中劍
豪氣都城篋內詩
白社有情招近局
青雲無路悵歸期
卮觴別來殘臘梅花發
手撚寒香欲寄誰

李月農禮部

全家寄食仰勞薪
米貴長安耗俸清
吏頭銜祠部貴
空囊手版客裝貧
雲龍角遂思前事
冠蓋相逢有故人
珍重臨歧持贈意
菜畦秋雨畫中身
月農繪菜畦雨圖以贈

王小鐵中書

闕下相逢識謫仙，湖山風月亂離年。
北征身墜室家淚，東泛海明書畫船。
憎命文章邀共賞，驚以詩句早流傳。
燕雲一別無消息，何處登樓賦仲宣。

周子距川

鬲津河上坐談詩，五載春風拂絳帷。
綵筆舊傳青瑣闥，仙官新領白雲司。
撇繮改直盧香裏，催班早壽母堂前。
戲綵時每向博陵，頻北望蘄雲臘雪滿離思。

家星岑從姪

篋山詩草

卷下

三十

九霄風翮健，初披萬里霜。
蹠惜再羈吾子，豈愁登第晚。
古人常恐讀書遲，風塵盤錯神明器。
懷抱長藏國士知，好養英才儲世用。
置身已到鳳凰池。阮韻閣

自敘

醉來拔劍擊珊瑚，生世難諧是腐儒。
已分鄭虔甘冷宦，可堪阮籍又窮途。
三春愁夢燕雲遠，一片鄉心海月孤。
回首秋風鴻雁侶，半翔霄漢半江湖。

倦夜

倦夜何曾睡，關門自煮茶。
百愁尋歲暮，孤宦滯天涯。
窗

暗鳴霜葉寒撲雪花老妻累婚嫁應悵不還家

臘月二十三日回里

臘鼓村村餞歲忙一鞭河上理歸韉長途積雪添新鬢
久客隨春入故鄉竹爆飛聲憐節物松燈照路動年光
錢囊留守詩囊富冷宦原無陸賈裝

除夕口占

瘦而龐眉兩鬢皤勞生何日不蹉跎明朝四十七年過
又占人間一歲多

甲子從頭起上元帝城春色動乾坤只求老享昇平

懷山詩草

卷下

三二

福東海躬耕答 聖恩

又占人間一

酒八日占

錢囊留守詩囊富冷宦原無陸賈裝

久客隨春入故鄉竹爆飛聲憐節物松燈照路動年光

錢囊留守詩囊富冷宦原無陸賈裝

臘月二十三日回里

跋

此我 族父韻泉公所著詩也公爲人性情高曠遇物
簡貴自待嚴遇庸夫俗子夷然不屑而至嶽崎之士輒
傾身交接稱贊不容口弱冠以麥浪詩受知學使潘芸
閣先生名噪一黌道光庚子舉順天鄉試第一文出傳
誦滿都下號名元嗣六上春官不第咸豐癸丑大挑二
等例授校官因赴部謁選非公志也當斯時粵賊洪楊
輩自潯梧潰出輾武昌猖狂東下躡金陵蹂鎮江躡維
揚浸淫及河北諸郡官吏不死卽逃民無所控告公目

篋山詩草

跋

覩顛連狀籌天下大計十數條上書當路旣噤不得施
乃以牢騷抑鬱斂而歸之詩朝夕吟咏忘寢食嘗擬高
季迪青邱子歌以自况漉焮方家居公脫稿輒私錄其
副起癸丑至癸亥凡得詩若干首其光采若明珠翠羽
之溢於肆也其味若濃蘭沅芷之充於室也其伸縮變
化若公孫大娘之舞劍器渾脫瀏亮頓挫以投所向而
無不如意也一唱三歎可謂有遺音者矣嗣公兩署新
河沙河教諭補武強訓導迨戊辰請假修墓適捻賊張
總愚屠戮鹽山縣城公遂遇害哀哉黃子壽方伯修畿

輔志入公死難事爲傳而未及學行 同祖父芙蓉公
序之以待採風者公詩不甚多當平生十分之一二然
嘗謂余鐫詩不得過百餘首足矣否則徒覆醬瓿無謂
也斯蓋公之志云光緒壬辰仲冬月族子淮焞謹跋

篋山詩草

跋

心
38
54
8
1元

